

Na ceisteanna a tharchuirtear

1) Ar gcaithfear Rialachán (CE) Uimh. 261/2004 ⁽¹⁾ a léiriú sa chaoi, le teacht faoi raon feidhme an Rialacháin sin agus chun diúltú bordála lena mbaineann cúiteamh de bhun Airteagal 4(3) in éineacht le hAirteagal 7 den Rialachán sin a chruthú, nach mór chomh maith don phaisinéir, mar a cheanglaítear le hAirteagal 3(2) nó Airteagal (2)(j), a bheith i láthair le seiceáil isteach ag an am a sonraíodh nó tráth nach déanaí ná 45 nóiméad roimh an am imeachta a foilsíodh nó i láthair ag an mbordáil, cé go raibh an t-aeríompróir áirithe sin tar éis a fhógairt cheana nár mhian leis an paisinéir a iompar?

2) I gcás go dtugtar freagra dearfach ar an gcéad cheist:

Ar gcaithfear Rialachán (CE) Uimh. 261/2004 a léiriú sa chaoi, agus Airteagal 5(1)(c)(i) den Rialachán sin á chur i bhfeidhm *mutatis mutandis*, go n-eisiafar na cearta cúitimh maidir le diúltú bordála dá dtagraítear in Airteagal 4 agus 7 nuair a chuirtear an paisinéir ar an eolas coicís ar a laghad roimh am imeachta sceidealaithe na heitilte nach bhfuiltear chun é a iompar?

⁽¹⁾ Rialachán (CE) Uimh. 261/2004 ó Pharlaimint na hEorpa agus ón gComhairle an 11 Feabhra 2004 lena mbunaítear comhrialacha maidir le cúiteamh agus cúnamh do phaisinéirí i gcás nach gceadaítear dóibh bordáil agus i gcás ina gcuirtear eitiltí ar ceal nó ina bhfuil moill mhór ar eitiltí, agus lena n-aisghairtear Rialachán (CEE) Uimh 295/91 (IO 2004 L 46, lch. 1).

Iarraidh ar réamhrialú ón Corte suprema di cassazione (an Iodáil) a taisceadh an 11 Aibreán 2022 – Fallimento Villa di Campo Srl v Agenzia delle Entrate

(Cás C-250/22)

(2022/C 266/15)

Teanga an cháis: an Iodáilis

An chúirt a rinne an tarchur

Corte suprema di cassazione

Páirtithe sna príomhimeachtaí

Iarratasóir: Fallimento Villa di Campo Srl

Cros-achomharcóir: Agenzia delle Entrate

An cheist a tharchuirtear

An gcuirtear cosc le hAirteagal 5(8) de Threoir 77/388/CEE ⁽¹⁾ agus Airteagal 19 de Threoir 2006/112/CE ⁽²⁾ ar reachtaíocht náisiúnta amhail Airteagal 20 de Fhoraithe an Uachtaráin Uimh. 131 an 26 Aibreán 1986, a leasaítear le pointí (1) agus (2) d'Airteagal 1(87)(a) de Dhlí Uimh. 205 an 27 Nollaig 2017 agus le hAirteagal 1(1084) de Dhlí Uimh. 145 an 30 Nollaig 2018, lena gceanglaítear ar na húdaráis chánach idirbhearta idir páirtithe a aicmiú ar bhonn faisnéis théacsúil atá sa chonradh ábhartha sin amháin agus lena gcuirtear cosc ar úsáid faisnéise eistrí (seachthéacsúla) (fiú má tá sí ann go hoibiachtúil agus má tá sí cruthaithe), agus mar thoradh air sin go bhfuil cosc iomlán ar na húdaráis chánach a chruthú go bhfuil soláthar eacnamaíoch, arb ionann é agus aistriú gnó, atá dosháraithe ann féin, briste síos go saorga i roinnt soláthairtí éagsúla – soláthairtí iolracha earraí – agus dá bhrí sin as a dtagann ceart chun CBL a asbhaint i gcás nach gcomhlíontar na ceanglais a leagtar síos i ndlí an Aontais?

⁽¹⁾ Séú Treoir 77/388/CEE ón gComhairle an 17 Bealtaine 1977 maidir le comhchuibhiú dhlíthe na mBallstát a bhaineann le cánacha láimhdeachais – Comhchóras cánach breisluacha: aonbhonn measúnachta (IO L 145, 13.6.1977, lch. 1).

⁽²⁾ Treoir an 28 Samhain 2006 maidir leis an gcomhchóras cánach breisluacha (IO 2006 L 347, lch. 1).